

OTTANTOTTO

1932 – 11 FEBBRAIO – 2020

L'è 'l me complean e per minga sbagliass
A cuntà i an ch'in ormai passàa
Ho tirà foera de sacocia la carta d'identità.
Oh! Som restà lì imbastì a vedé quell vegiass
Che gh'era lì stampà su la fotografia!
E m'è s'ciopàa dent 'na gran nostalgia.

M'è vegnù 'n la ment quel che me cuntava
Del dì de la Prima Messa la mia cara mama
Che quand la procession la passava
Sota i finester de casa mia
Taccàa a le gh'era 'na mia cara zia:
"Vardé, inscì 'n bel fioeu e l'è 'ndàa pret" la ghe diseva
E la mia mama (che gran magon!) de contentezza la piangeva.

Adess, cara la mia mama, cara la mia gent
Tegnem cald el post, tegnemel arent
Che ormai me manca poc a vegnì via
A incontrà el me Signor e la vostra compagnia.